

Na osnovu člana 10. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04) i člana 24. Pravila mjesne zajednice ("Službene novine Kantona Sarajevo", br. 5/06-prečišćeni tekst i 18/09), Općinsko vijeće Centar Sarajevo je na 7.redovnoj sjednici održanoj dana 29.05.2025.godine, donijelo

ODLUKU O RASPISIVANJU IZBORA ZA SAVJETE MJESNIH ZAJEDNICA NA PODRUČJU OPĆINE CENTAR

Član 1.

- (1) Raspisuju se izbori za članove Savjeta mjesnih zajednica u Općini Centar Sarajevo.
- (2) Datum i vrijeme održavanja izbora utvrdit će Izborna komisija, koju imenuje Općinsko vijeće, za organizovanje i provođenje izbora za članove Savjeta mjesnih zajednica (u daljem tekstu: Izborna komisija), s tim da se izbori moraju održati najkasnije do 05.10.2025. godine.

Član 2.

Izbore za članove Savjeta mjesnih zajednica organizuje i provodi Izborna komisija u sastavu:

1. Jasmin Kreso, predsjednik;
2. Lejla Verem, zamjenica predsjednika;
3. Dženadin Veladžić, član;
4. Nedim Škrbo, član;
5. Velija Katica, član;
6. Samir Fazlić, član;
7. Dinko Remić, član.

Za sekretara Izborne komisije, za obavljanje administrativno-tehničkih poslova, se imenuje Una Krajnović.

Član 3.

- (1) Izbori za članove Savjeta mjesnih zajednica provode se po odredbama Pravila mjesne zajednice, u skladu sa Odlukom o osnivanju i organizaciji mjesnih zajednica na području Općine Centar Sarajevo i na principima utvrđenim Izbornim zakonom Bosne i Hercegovine.
- (2) Izborna komisija donosi akte za provođenje izbora, imenuje biračke odbore, izdaje uputstva za njihov rad, određuje broj i raspored biračkih mjesta na području mjesne zajednice, izrađuje obrasce i glasačke listiće.

Član 4.

- (1) Izborna komisija ima prvostepenu nadležnost za odlučivanje o svim pitanjima zaštite izbornog prava i može ukoliko ustanovi bitne nepravilnosti poništiti izbore za određeno biračko mjesto.

(2) Na rješenja Izborne komisije može se izjaviti žalba Drugostepenom organu za žalbe Općinskog vijeća koji ima drugostepenu nadležnost i koji će u ovom postupku rješavati primjenjujući odredbe Izbornog zakona Bosne i Hercegovine. Nakon provedene procedure Općinsko vijeće u ovom postupku može poništiti izbore u određenoj mjesnoj zajednici.

(3) U zaštiti izbornih prava primjenjuju se rokovi, kriteriji i procedure utvrđene Izbornim zakonom Bosne i Hercegovine.

Član 5.

(1) Izborna komisija utvrđuje rezultate izbora za članove Savjeta mjesne zajednice i sačinjava Izvještaj koji dostavlja Općinskom vijeću.

(2) Općinsko vijeće razmatra Izvještaj Izborne komisije i verifikuje rezultate izbora.

Član 6.

Mandat Izborne komisije prestaje nakon zvanične objave rezultata izbora za članove Savjeta mjesne zajednice Općine Centar.


Član 7.

Sredstva za realizaciju ove odluke neće se posebno isplaćivati članovima Izborne komisije kao za vrijeme izbornog perioda, novoangažovani članovi će imati isti iznos naknade kao i članovi Općinske izborne komisije.

Član 8.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u „Službenim novinama Kantona Sarajevo“.

Broj:01-45-413/25
Sarajevo,29.05.2025.godine



Predsjedavajući Općinskog vijeća

Benjamin Isović

Ova Odluka objavljena je na oglasnoj ploči
Općine Centar Sarajevo dana 05-06-2025